

Darien Kastaneer Reina di Tumba 2005

ORANJESTAD(AAN)— Den categoria di damanan den concurso di tumba, e aña aki 7 dama a competi, cu Emilenne Boekhoudt defendiendo su corona como ultimo cantante.

Michelle Matos y Caridad Quandus cu Banda Great tabata e prome dos participantenan femenino, cu Caridad mas fuerte den su presentacion.

Cu Papito y su biba lekker band, Miriam Contreras a presenta "Ban Sigur" pero no



a muestra di ta un ganador tampoco.

Ora cu Darien Kastaneer a presenta "Bai Pe" Cu banda MEGA, publico a bay laira, y por a ripara cu Darien tabata tin un fanaticada grandi su tras ademas.

For di e momento ey, e tabata e candidata pa hiba e corona cas, sperando ainda riba tres cantante femenino.

Tur tres a presenta cu Surprise Band, Djanira Rasmijn Kock, Jelissee Boekhoudt y Emilenne Boekhoudt.

Djanira a habri pisa pa Surprise Band, pero su tumba no tabata un pa derota Darien.

Seguidamente Jelissee Boekhoudt a sali cu "OleOla," sin embargo no tabata pa gana Darien tampoco.

Emilenne Boekhoudt, defendiendo su corona di aña pasa, a cera e anochi, cu "Mantene" y na final di su cancion, e decisiòn a keda den man di hurado pa mira si ta Darien of Emilenne lo bay cu e corona.

Publico tabata pusta riba Darien di un banda y riba Emilenne di otro banda te cu finalmente cu e resultado. Jelissee a termina na di 3 lugar, Emilenne na di dos lugar, y Darien cu a "Bay Pe" e logre tambe y hiba e corona cas como Reina di Tumba 2005.